

84
Г.38

ЮРИЙ ГЕРМАН



ЧАСОВОЙЕЗ


КОМИПЕРМГИЗ 1942 КУДЫМКАР

ЮРИЙ ГЕРМАН

ЧАСОВОЙЕЗ



КОМИПЕРМГИЗ 1942 КУДЫМКАР



ПОСЫЛКАЭЭ

Бобка мамыскөт оліс Ленинградын, а Бобкалөн айыс, старшөй лейтенант Иванов, вөлі пограничнөй заставаын начальникөн и оліс Дальнөй Востокин.

Лейтенант Иванов аслас письмоэзын пыр корис Бобкаос локны пограничнөй заставао гөститны, а посылкаэзын ыставліс быдкодь интереснөй вещьез.

Например, өтік посылкаын вөлі пуись керөм да сьод краскаөн краситөм замечательнөй револьвер наган. Револьверын барабаныс бергаліс, шомполыс кыссьывліс, и нельки позис лэбтыны курук. И кобураыс вөлі кучиковөй, и патроннаэс вөлісө жестись керөмөсь.

Мөдік посылкаын вөлі винтовка, совсем кызд настоящой, затворон и мушкаон, и ременьон. И винтовкаысса вөлі чөскыт маон банкаок.

Куимот посылкаын вөлі гөгрөса коробка мармеладон да пуись лөсийом, учотик, но совсем настоящой пулемет.

Сэсса вөлісө: пуовой сабля, красноармейской котелок, ремень да портупея, челядь понда противогаз и, медбөрын, гөрд звездаон настоящой пограничной зелёной фуражка.

А письмоын старшой лейтенант Иванов гижис Бобка мамлө, Надежда Михайловнало:

„...пожалуйста босыт менчим важ гимнасткаос да вур сэтись Бобкаыслө. Ась ни сия лоас совсем пограничникон...“

Кузь рыт мамыс шөрәліс да вурис Бобкало гимнасткаосө, а Бобка, синкыммез вылас зелёной фуражкасө лэдзөмон, орсис пограничниккезон. Кот Васька—кыз да онзия—вөлі враг, и Бобка лыйлис сийө наганись, винтовкаысь и пулеметись. Бой дырни Бобка өддьон горөтлис, и эта горөтлөмсянь мамыслон пондис висьны юрыс, но сия терпеливөя вурсис и шынняялис, аслас зон-пограничник вылө видзөтикө.

Гимнастёрка петіс өддён бур. Гимнастёрка вевдөрөт Бобка кышаліс портупеяөн ремень, наган, сабля да противогаз и мунныштис комната кузя.

— Но мый, бур петіс?—юаліс сія мамыслісь.

— Өддён бур,—висьталіс мамыс.

— Өні ме айё вылө вачкися?—юаліс Бобка.

— Вачкисян,—висьталіс мамыс.—Ю йөвсө да вод узыны, сёр ни.

Көр ужнайтөм бөрын Бобка водіс узыны и мамыс мышкыртчис сы весьтө, сія вдруг висьталіс:

— Ме мөда мунны айё дынө. Тэ пыр баитан: ашын, ашын, а ме сё ог мун и ог мун. Лэдз менө айё дынө. Кылан, мам?

Надежда Михайловна пуксис ордчөн Бобкакөт да пондіс баитны, что Бобкалө некинкөт мунны.

— Ме ог вермы,—баитіс сія,—ме велөтча, а өтнастө тэнө лэдзны оз туй. Туйыс сэтшөм кузь, тэ ачит думайт...

— Но дак мый,—висьталіс Бобка,—но дак мый, ась кузь... Айё менө корө, а тэ он лэдз...

— Ме лэдза,—висьталіс мамыс,—но эд некинкөт мунны.

Бобка нем эз висьтав, бергөтчис стена-лань да пондіс горзыны.

Сія дыр горзіс, кытчөдз эз ланьт, и вөтасис сія, что мунө айыс дынө заставаө. Эта вөлі өддьөн гажа и приятной вөт.

ПОПУТЧИККЕЗ

Өтпырись, көр Бобка орсіс погранич-
никкезөн, кыліс звонок, и пырисө кык морт.
Кыкнанныс вөлісө военнойөсь. Өтыс вөлі
пограничной формаөн, а мөдыс морскойөн.
Морякыс вөлі пөрись и уссэза, а погра-
ничникыс вөлі том и уссэзтөм.

— Добрөй здравье, — висьталіс моряк.

— Здорово, — шуис пограничник.

— Тійө кин дынө? — юаліс Бобка. Сія
сулаліс комната шөрын и өт киас видзис
револьвер, а мөдас сабля.

— Мийө тіян дынө, — висьталіс погра-
ничник.

— Мыйлө? — юаліс Бобка.

— Нуөтны тіянөс, — висьталіс моряк.

Моряк и пограничник пуксисө пызан
сайө, и Бобкалөн мамыс пондіс гөститөтны
нійө чайөн. А Бобка пуксис мамыс өлөдзө
да пондіс видзөтны гөссесө и кывзыны,
мый йылісь ния баитөны мамыскөт.

Маөн чайсө юөм бөрын моряк сибөт-
чис Бобка дынө да юаліс, охота я сылө
мунны айыс дынө Иванов дынө погранич-
ной заставаө.

— А мамө? — юаліс Бобка.



— Меным колö велöтчыны, — висьталіс мамыс, — ме ог вермы öні мунны. А тэ мун. Недыр кежö. Ветлан и бөр локтан. Тэ эд мунан бы айыт дынö.

— Мунны-тö муна бы, — шуис Бобка, — да только...

— Мый только? — юаліс моряк. — Тэ нать-тö ме дынö эшö эн велав? Сідз? Тэ, Бобка, эн пов, ме дынö позьö чожа велавны. Колö только мекöt байтыштны, и быдöс лоас öддьон бур.

И моряк пондіс байтны Бобкакöt, а сы-бöрын кужöмön да шупыта вочис сылö жугалöм пулемётсö. Көр пулемётыс лоис кыз виль, Бобка решитіс, что пондö велавны морякыс дынö, и висьталіс сылö эта йылісь.

— Но, вот адззан, — шуис моряк, — öні тэныт кольччис только тэчны вешчетö.

— Ладно, — висьталіс Бобка да пондіс тэчны чемоданö ассис имуществосö.

Сія пуктіс пулемёт, винтовка, противогаз и пограничнöй фуражка.

Пуктіс виль гимнастёркасö и ременьсö. А револьвер нагансö эз пукты, а решитіс сійö кышавны ас вылас.

Сыбöрын мамыс миссьötіс Бобкасö да водтötіс узыны.

Онмössикас сія кыліс, кыз мамыс, пограничникыс да морякыс байтісö да сералісö.

Вокзалӧдз мунисӧ машинаын. Машина-ыс вӧлі М-1, лӧз рӧма, виль да басӧк. Бобка пукаліс ордчӧн шоферкӧт, а мамыс, морякыс да пограничникыс—бӧрсяняс. Шофер вашӧтіс машинасӧ шупыта да кокнита.

— А тэ автобусӧн кужан веськӧтлыны?—юаліс Бобка.

— Кужа,—висьталіс шофер.

— А скорӧй помощӧн?—юаліс Бобка.

— Кужа.

— А пожарнӧй машинаӧн?

— Кужа.

— Здорово,—шуис Бобка.—А вот ме, например, муна айӧ дынӧ, старшӧй лейтенант Иванов дынӧ, пограничнӧй заставаӧ.

— Здорово,—шуис шофер.—Но, сет мясь айытлӧ привет.

— Ладно,—шуис Бобка,—сета.

Нія локтісӧ вокзалӧ и пырисӧ вагонӧ. Вагоныс вӧлі замечательнӧй: небыт диваннэзӧн, ӧшыннэз вылас занавескаэзӧн, пызанокез вылын лампаэзӧн.

— Вагоныс бур,—шуис Бобка да петіс мамыс дынӧ платформа вылӧ.

Мамыс сулаліс вагон дынын да шыннялліс, но кӧр Бобка видзӧтіс буржыка, то казяліс, что мамыс не только шыннялліс, но эшӧ и горзіс. Бобкалӧ жаль лоис, что сія мунӧ, а мамыс кольччӧ, и сія пондіс гор-

зыны. Нія невна горзыштісö ötлаын, сы-
böрын дугдісö, и мамыс висьталіс:

— Кеймися тэныт, пеллезат нем эн сую.
Төдан, кыз тэ öтпыр пелят пуговицасö
суюыштін? Да эн кись зубной порошоксö.
Да эн усь вагонсис. Айтö окав. Но мун,
пыр вагонас,—часöt поездыс вөрзяс.

Бобка пырис вагонö, и поезд вөрзис.

МОРЯК ДА ПОГРАНИЧНИК

— Но, давай öні буржыка төдсасям,—
шуис моряк, көр Бобка пуксис диван вылö.

— Давай,—шуис Бобка.

— Эта понда быдыс должен висьтавыны
ас йывсис, кин сія сэтшöм.

— Ладно,—шуис Бобка.—Ме Бобка
Иванов. Меным сизим год. Арнас ме муна
школаö велötчыны. Ыджыт школа,—төдан,
пельöсас. Вот эта самöй и лоас менам шко-
лаыс. Менам школаас муник кежö быдöс
ни заптöм—и портфель, и тетраддез, и ка-
рандашшез, и вставочкаэз, и пероэз. А көр
ме быдма, то лоа пограничникön.

— Правильно,—шуис моряк.—Öні ме-
нам очередьс төдсасыны. Ме Петр Петро-
вич Чистович. Меным витдас вит год. Ме
морской пограничник. Одзжык служиті Ле-
нинградын, а öні муна Дальней Востокö,
сэтчин жö, кытön тэнат айыт. Но тэнат
айыт охраняйтö границасö му вылын, а ме—



ва вылын. И менам эм зон. Төд, кытөн сия?

— Ог төд,—висьталіс Бобка.

— Да ме сылөн зоныс,—шуис пограничник.—Сия Петр Петрович Чистович, а ме Николай Петрович Чистович—Коля. Ме служита өтік заставаын тэнат айкөт. Сия старшөй лейтенант, а ме младшөй. Ме сылөн отсалісь. Вежөртін?

— Вежөрти,—шуис Бобка,—өні ме быдөс вежөрти. А чожа мийө локтам?

— Вот уж мый не чожа, так не чожа,—шуис моряк.—Өддьөн дыр пондам мунны. Көр эшө Байкал ты дынөдз локтам...

— А эта кытшөм ты?—юалис Бобка.

— Өддьөн ыджыт ты,—висьталіс моряк,—вот адззылан.

— Интересно,— шуис Бобка,— кӧр мийӧ все-таки локтам?

— Лун-мӧд бӧрті, — висьталіс моряк.

Вагонын пондіс пемдыны. Бобкало лоис гажтӧм. Сылӧ тӧдвылас усис мамыс, и Бобка гусьӧник пондіс горзыны.

— Э, Бобка,— шуис пограничник,— эта некытчӧ оз туй. Граница вылӧ горзіссесӧ озӧ примитӧ.

— Да ме совсем невночка горзышта,— шуис Бобка,— ме ӧддьӧн чожа.

— Но, чожа кӧ,— шуис пограничник,— сӧк ладно. Горзы. Только ӧні ме тӧныт нем ог висьтась. А думайті, что быд лун понда висьтасьлыны тӧныт ӧтік интереснӧй историяӧн. Но раз тӧ горзан, ме ог вермы висьтасьны.

— Мый йылісь историяэс?— юаліс Бобка.

— Часовӧйез йылісь,— висьталіс Коля,— миян гӧрд часовӧйез йылісь.

— Ладно,— шуис Бобка.— Висьтась. Ме сӧсся некӧр ог понды горзыны.

Вагонын ӧзйис электричество и лоис югыт да гажа.

А вагоныс джодж увтын гымӧтісӧ рельсаэз кузя вагоннӧзлӧн колесоэз. И мукӧд пырсяс паровозыс гора басӧн сетавліс свистоккез.

Моряк гөститөтис Бобкасö ыджыт гөрд яблокөн, а Коля—шоколаднöй конфетаөн.

Локтис проводник и быдөнныслö ольсалис диваннэз вылö постеляэз. Бобка миссис, чөвтчис да водис. И Коля Чистович пондис висьтасьны Бобкалö ассис первöй история. Историяыс эта шусис сідз:

Öддьөн умöлик мөс

— Сия кадö ме вöли совсем эшö том боец-пограничник, — баитис Коля, — ешти только локны заставаас. Сэк менам нельки уссэзö эз быдмö...

— А öни быдмöны?—юалис Бобка.

— Быдмöны, но ме брита нийö бритваөн. Но вот, сэк ме эшö нельки эг бритчы. Вежөртін? И вот öтпыр, төв пондөтчикö, только-только усис первöй лымок, заставаись начальник корис менö мунны вöравны. Сэк менам начальникыс вöли ёрт Авдеев, ыджыт мыгöра, вына, басök и öддьөн смелöй морт. И умнöй öддьөн. Некин эз вермы ылöтны да бөбөтны сийö.

Но вот. Мунам мийö ськөт и видзөтлам, абу я кытөн-нибудь кöч.

Вдруг ёрт Авдеев сувтис и шуö:

— Видзөт-ко, ёрт Чистович, одзат лымок вылас. Нем подозрительнöйсö он адззы?

Ме видзөтi, видзөтi и шуа:

— Ог адззы, ёрт начальник, нем ог адззы подозрительнойсö. Лым адзза. Мөслсь следдэз адзза. Мөс натьтö ветлötис сэтöн.

— И быдöс?

— И быдöс,—шуа.

Ёрт Авдеев видзötис ме вылö косöйөн-моз, серöмтчис и юалис:

— А тэ адззывлін көр-нибудь сэтшöм вöснитик мөссэсö, кöдна вермисö бы мунны эна кык пу коласöt? Эна пожуммез коласöt только морт вермас мунны.

— Дак эд озö овлö отирыс мөс копытаэз вылын,—шуа ме,—отирыс коккез вылын ветлötöны, а сэтöн копытаэз.

Ёрт Авдеев серöмтчис и шуö:

— Сякöйыс овлö. Эстi мунöма враг, и мийö долженöсь сийö кутны. Мунöма сiя неважын—адззан, лымыс эшö абу тыртöма следдэсö. Котöртам и мийö кутам сийö. Но, раз-два!

И мийö пондiм котöртны.

Ме шупыта верма котрасьны, но сэтшöм шупыта ме некөр аслам векын эг котрасьлы. Но ёрт Авдеев котöртис месся шупытжыка.

Дыр мийö котöртим.

Вдруг адззам: миян одзын кöч чеччалö. Вот лыйны бы, да некөр.

Петiм вудовка вылö.



И адззам: мян одзын чеччалö кöч, а кöчыс одзын котöртö морт. Шупыта котöртö.

— Стой!—горötис ёрт Авдеев да кыскис кобураись наган.

Кöч котöртис, а мортыс водис мыр сайö да пондис лыйлыны. Патроннэс сылөн вöлисö öддьөн уна. Дыр лыйсис. Амийö бура кынмим—полушубоккесö чöвтим, көр котöртим.

— Этадз, пожалуй, и насморк кутчисяс,—шуис ёрт Авдеев.—Ноко, муна ме врагыс вылö бöрсяняс.

И пондис жагöник мунны вөрöттяс.

Совсем ни пемдис.

Чулалö час джын, чулалö час, а сяс сё абу. И врагыс дугдис лыйсьыны. Ме беспокоитчыны ни понди. Вдруг кыла:

— Ёрт Чистович!

Ме бергöтчи и адзза—кыкөнöсь: начальник Авдеев да сяс врагыс.

Ёрт Авдеев баитö:

— Ме сы дынö бöрсяняс кысси. Иньдöти сы вылö нагансö и шуа сылö, что кыз только вөрзьöтчас, ме сийö сразу жö вия. Бур кöчок.

Öддьөн бур вöли кöчокыс. Мыгөрнас öддьөн ыджыт, чужöмыс лөг, повзьöмсяняс бледötöm, синнэс югьялöны кыз кöинлөн. Вот-вот пондас эрзыны.

Мийö нуотим сийö заставаö. Пассесö, шлёммесö бөр локтикö босьтим. А көр лок-
тим заставаас, то казялим, что эта враглөн
сапоггес бердас вöлисö көрталöмось на-
рошно керөм мös копытаэз.

Вот кыз аркмис: муним мийö вöравны
кöч вылö, вöтлисим мös сьöрын, а кутим
мортöс. И мортыс вöли кöинся умöльжык.

Кузь ой Бобка узис öддьөн бура.

И кузь ой поездыс мунис сё одзлань и
одзлань, и паровозыс мукöд пырсяс тутсис
гора басөн.

Асывнас проводник вайис нылö куим
стакан чай, а моряк ольсалис салфетка и
сы вылын лöсьöтис бутерброддэз. Чайыс
вöли öддьөн чöскыт, и колбасаөн бутер-
броддэс тожö вöлисö öддьөн чöскытöсь. А
чай бöрын уссэза Петр Петрович кыскис
кармансис открытка да юалис Бобкались,
мый гижны сы мамлö. И Бобка шупыта
диктуйтис:

Дона менам мама!

*Ме муна и муна. И мымда эшö понда мунны. Но мун-
ны миянлö гажса. Ме тöда ни вöснитик мös йылись öтик
история. Öни мийö юимö чай. Гиж меным, кыз тэ ве-
лөтчан: бура али умöля, Поездыс мунö öддьөн шупыта.*

Көр поезд сувтис, Коля босьтис открыт-касө, юр вылас пунктис форменной фуражка, петис вагонсис и лэдзис открыткасө почтовой ящикө.

Бобка өшынөт видзөтис Коля вылө.

Станция вөлі ыджыт да басөк. Платформа вылын вузалисө мороженой. Бобка сяркнитис стеклоас да горөтис Колялө:

— Ньө-өб мо-ро-же-ной быдса руб вылө!

Локтис Коля мороженойон, өшөтис ассис зелөной фуражкасө крючок вылө, и поезд бөра вөрзис.

— Но, Петр Петрович,—шуис Бобка,—өни висьтась меным морской пограничник йылись ассит историятө. Меным өддөһөн интересно.

— Ладно,—шуис Петр Петрович,—ме сейчас тэныт висьтася история, кода шусьө:

Пым чаёк

Границаыс мунө не только вөрөт да ыб вылөт. Ся мунө и море вылөт. И сэтчин мянлись странасө враггезсянь охраняйтөны пограничной катеррез. Быдкодь погода коста катеррес петөны мореө. И туман коста и буря коста. Кыным пемытжык ой, сыным ыджытжык опасность. Колө бу-

ра видзётны. Пемытын, туманын врагыс моторной пыжон, веслоэза шлюпкаон, а то и просто уйомон старайтчо пырны миян странао...

Вөлі пемыт арся ой. Волнаэз вылөт шупыта уйис учөтик моторной катер.


Снасттезын уннялис төв. Вартсис төвсяняс учөтик зелёной флажок. А зелёной рөмыс—эта пограничниккезлөн рөм. И катер вылас зелёной флажокыс мыччаліс, что катерыс пограничной. Катер вөлі бура вооружитөм. Вооружитөма пулемётон и нельки учөтик пушкаон.

Капитанской посок вылын сулаліс катерлөн командир. Сійө кадись кадө тыртліс волнаон. Командир видзөтис бинокльө и вдруг сетис приказ—югдөтны прожекторон мыйкө только сылө тыдаланао.

Прожекторлөн чочком югөр югдөтис волнаэз вылын йөктан пыж.

Пыжлө тшөктисө сувтны. Но сія эз кывзы. И пондіс пышшыны.

— Пулемёт дынө!—сетис приказ командир.



Пулемётчик кутчисис пулемёт бердө.

И пулемёт пондiс строчитны. Строчитiс, кыздз өддьөн ыджыт вурсян машина. Өддьөн горөн.

— Быдөс порядокын,—шуис пулемётчик Саша,—талун ме нылө гармошкаөн орсышта.

Пограничнөй катер шупыта сибөтчис моторнөй пыж дынө. Моторнөй пыж йөктiс волнаэз вылас и некытчө эз вермы уйны.

— Сидз и эм,—висьталiс командир,—миян пулемётчикыс писькөтiс нылись моторсө.

Враггез вөлисө куимөн. Медглавнөйыс вөли учөтик тошока и очкиэзөн. И пондiс бөбөтчыны, что сiя өддьөн бур морт, а не кытшөмкө враг.

— Ладно,—шуис командир,—адззылам.

Сiя вайөтiс мортсө аслас каютаө да пондiс сылись юасыны. Тошока мортыс быдөс вамис аслас моторнөй пыжокын и корис стаканөн пым чай, медбы шонавны. Сылө сетiсө чай.

Чайыс вөли өддьөн пым, просто кипяток.

— Кытшөм пым чайыс,—шуис очкиа мортыс,—киэз сотө.

— Да,—шуис командир,—мийө любитам пым чаёксө.



Эта секундао очкиа мортыс өвтыштіс кинас да мөдіс пым чайсө плеснитны командирьслө чужөмас.

Вдруг кыліс лыйөм шы, и очкиа мортыс киэзын стаканьс паськаліс тороккезө.

Этө лыйис командир.

— Вот кытшөм бур морт,— шуис командир.— Просто диво босьтө, кытшөм тэ бур мортыс. Тэ, натьтө, казьявтөг этө керин?

Но очкиа мортыс шы эз сет.

— Кыдз бы тэ кипятокнас меным синнезам инмин, ме бы, пожалуй, и синтөмсялі,— шуис командир.— Ковсяс тэнө көртавыны. Мийө сэтшөм бурресө гезөн көртавылам.

Очкиа мортлісь көрталісө киэсө, и командирьс сылө висьталіс:

— Менам өддьөн бурөсь синнезө. Пограничнөйөсь. Ме пемытінын адзза. Тэнө казялі и эшө өтікөс-мөдікөс казяла. Эз отсав тэныт пым чаёкыс. Висьтась, мыйлө тійө пондіт локны Советскөй Союзас.

Быдөс враггесө пуксьөтісө өтік каютаө, а ордчөн мөдік каютаын пукалісө пограничниккез-морьяккез, и пулемётчик Саша орсіс гармошкаөн. Пограничниккез юисө өддьөн пым чай да сөйисө виөн нянь, а Саша гусьөник орсіс гармошкаөн и сьыліс

тожō гусьōник, но сідз, медбы враггез кы-
лісō:

И от тайги до Британских морей
Красная Армия всех сильней.

А катер муніс и муніс волнаэз вылōт.
Командир сулаліс аслас посок вылын, гар-
тіс уссэсō да видзōтис одзлань. Вōлі од-
дьōн пемыт ой.

— А командирыс—этō вōлін тэ?—юа-
ліс Бобка, кōр Петр Петрович кончитис
висьтасьōмсō.

— Ме,—висьталіс Петр Петрович да
пыркōтис пōймсō аслас трубкаись.—Ме, во-
нō, вōлі, эм и лоа командирōн. Гленитчис
тэныт пым чаёкыс йылісь менам исто-
рияыс?

— Одьōн гленитчис,—висьталіс Бобка.
Быд рытō моряк Петр Петрович Чис-
тович висьтасис Бобкалō отік историяōн.
Этō вōлісō удивительнōй историяэз. Пым
чаёк йылісь история бōрын Бобка тōдіс
знаменитōй пограничник Карацюпа йылісь
и сы пон йылісь замечательнōй история.
Сыбōрын моряк висьтасис Бобкалō сы йы-
лісь, кыз кык зончка кутисō шпионōс.
Сыбōрын вōлі история ловья кер йылісь,—
сэтōн баитсис сы йылісь, кыз нарушитель
енōвтчис море вылōт уялан керō. Сыбōрын
вōлі история ош йылісь, кōда локтис по-

граничниккез дынө. И сыбөрын вөлі өд-
дөн интересной история дудіэз йылісь:
эна дудіэс быд лун лэбзьевлісө өшынсянь.
Пограничниккез кутісө өтікө сэтшөм ду-
діөс и лыддьөтісө запискаок, көда вөлі
көрталөма сы кок бердө. Лыддьөтісө, лок-
тісө өшын увтө и пондісө өркөтчыны. Ны-
лө осьтіс өшынсө ыджыт тоша старик тю-
бетейкаөн. И сразу пондіс лыйлыны ре-
вольверись. Но этаись нем эз пет. Сійө
кутісө, и сія висьталіс, что дудіэс новйисө
граница сайө быдкодь шпионской сведен-
нөэз.

А медбөрья рытас пограничник Коля
Чистович висьтасис Бобкалө кыкө джены-
тик историяэз: өтіксө сы йылісь, кызд бо-
ец-пограничник Левченко кутөма сразу нель
врагөс, а мөдіксө сы йылісь, кызд враг-
шпион лөсьөтчис коктөм калекаө.

Бобка муніс дыр, сэтшөм дыр, что нель-
ки мылаыс ни бырсис. И кызкө өтпыр
рытьявлас Петр Петрович сылө висьта-
ліс:

— Вот, Бобка, пондөтчө Дальной Вос-
ток.

— А былись дальной,—согласитчис
Бобка,—и сэтшөм ни ылын, что ылынжы-
кыс оз овлы.

— Овлө и ылынжык,—висьталіс Петр
Петрович.

— А чожа ни мийö локтам?

— Ашын асывнас,—висьталіс Коля.

Локтан лун панытö Коля висьтасис Бобкалö ассис медбöрья история, кöда шусис сідз:

Лымись керöсок, кöин да часовöй

Кузь ой усис лым, и вöрас быдöс чочкөммис—и муыс и пуэс. Пограничник пукаліс аслас заставаись шоныта лонтөм столовöйын, юис йöлөн чöскыт чай и видзөтис öшыно. Сія думайтис сы йылісь, что талун вöрас оз ни туй мунны зелёнöй фуражканас да шинельнас: зелёнöй фуражкаыс чочком лым вылас пондас бура төдчыны, врагыс сразу казялас, и сэк сійö пленö он бось.

Чай юөм бöрын пограничник көмаліс пимиэз, юр вылас пуктис шлем, пасьталіс полушубок да теписсез, а вевдөрөттяс пасьталіс чочком плащ, сэтшөм чөчкомö да чистöйö, кытшөм талуння лымыс. Сыбöрын сія босьтис винтовка, кывзис заставаись начальниклісь приказаннөсö да муніс вөрö. Сія вöрсö төдіс сэтшөм бура, кыз быдыс миян коласісь төдö ассис гортсö. Вот сэтөн пөрөм пожум. А сэтөн ыджыт мыр. А ылынжык неыджыт кырас. А эшö ылынжык кыка өткодь көзөккөз. Быдöс кыз

комнатаын: сэтөн стул, сэтөн учотик пы-
занок, сэтөн кровать...

Нем интереснойсө пограничник эз кыв
и эз адззыв, кытчөдз муніс сія көз дынө,
кытөн вөлі секретыс. А секрет—эта сэтшөм
особенной места, секретной, кытись враг оз
адззы пограничниксө. А пограничник бы-
тшөма адззө врагсө.

Пограничник локтіс көз дынө, гарйис
невна лымсө да лөсьөтчис буржыка. Сідз
лөсьөтчис, что немымда эз понды тыдавны.
Лымыс чочком и пограничникыс чочком.
И бытьтө не морт дзевбисьөма көз увтас, а
просто сідз вайөтіс лымсө—керөсокөн.

Шоныт и бур. Кокын пимиэз. Полушуб-
ок өддьөн шоныт. И шлемыс бур. И те-
писсес отличнойось.

Шы абу төвся вөрын.

Шоча-шоча кышөтыштас төлок.

Шовкнитіс мыйкө.

Пограничник кывзисьыштіс и думайтіс:
„Этө, натьтө, чукуля пожум вылын чегис
ув. Важын ни сія потіс, а өні, натьтө, сов-
сем чегис сьөкыт лымсяняс“.

Бөра шы эз ло.

Пограничник төдө вөрыслісь быдөс шы-
эсө. Төдө, кыз шовкөтөны кымөм пуэз.
Төдө, кыз зверрез кок увтын кажөтөны
уввез. Төдө, кыз төвсянь шумитөны куш
пуэз.



Границаыс совсем матын. Вон керөсок
вылас лапыт кöзыс не советскöй ни, а
заграничнöй. И лымыс сiя не совет-
скöй ни.

Вдруг мыйкö пондiс кышöтны.

Пограничник дугдiс лолавны.

Жмитiс киас винтовкасö.

Ах, вот эта кин!

Кöззез сайсянь петiс ыджыт, вына
кöин.

И эз пет, а повзьöмөн чеччöвтiс.

Мый сэтшöмыс?

Натьтö, морт повзьöтiс кöинсö.

Натьтö, кöзоккез сайсянь öнi петас морт.
Петас враг. Шпион либо диверсант.

Спасибо тэныт, дона кöин, что висьта-
лiн, а öнi чожажык пышшы тась.

Көин пышшис. Бөра шы абу.

И вдруг көзоккез сайсянь лампаэз вылын ыскөвтис морт. Сулалыштис, видзөтис өтмөдөрө. Чужөмыс сылөн ыджыт, гөрд.

Враг эз казав пограничниксө стола сайсис.

И пондiс ыскөвтни веськыта сы дынө. Шупыта да кокнита мунө враг. Вот сiя совсем ни матын. Чужөмыс сылөн лөг. Видзөтө пограничникыс вылө и оз вежөрт, что эта пограничник. „Просто,—думайтө,—нөбөтөма лымсө—стола. Сейчас ме эта стола вывсянь ыскөвта“.

И вот, көр сiя локтис стола дынас матө, столаыс вдруг ловзис. Сiя сувтис, лэбтис винтовкасө да висьталис гуся голосөн:

— Стой!

Бледөтис нарушитель и лэбтис киэсө.

— Сетча,—шуис сiя,—эн- лый.

— Быдөс?—юалис Бобка.

— Быдөс,—висьталис Коля. — Асывнас мийө локтам ни. Онмөссы чожжык, а то етша узян дак оныт пондас петны.

Бобка тшөкаысви шебрасис одеялонас да пондiс онмөссыны, а поезд сө мунис одзлань и одзлань, и паровоз мукөд пырсяс тутсис гора басөн.

Поезд сувтис, и Коля первӧй петис вагонсис учӧтик пемыт перрон вылӧ.

— Татӧн,—горӧтис кинлӧкӧ Коля,—татӧн, ёрт Иванов!

Бобкаӧс кинкӧ кутис киэз вылас, жмитис бердас да пондис бура окавны рожабаннэсӧ и нырсӧ.

— Но, здорово,—шуис Бобкалӧ сылӧн айыс, старшӧй лейтенант Иванов,—здорово, зонӧ. Кыдз тэ быдмӧмыт! Но, мый нӧ тэ чӧлан? Мамыт здоров?

Бобкалӧн айыс вӧли неыджыт мыгӧра, сьӧд кучиковӧй пальтоӧн, сапоггезӧн да кучиковӧй перчаткаэзӧн. Сия вӧли ӧддьӧн вына и нӧбӧтис Бобкасӧ киэз вылас кокнитика, кыдз бордокӧс, и, этасся, нӧбӧтис эшӧ Бобкались чемодансӧ. Станция дынас сулалис тележка, кӧдаӧ вӧли тэчӧма идзас. Бобка и Коля пуксисӧ тележкаас, Бобкалӧн айыс дернитис вожжиэсӧ, вӧв пондис гӧнитны, айыс тожӧ невна котӧртыштитис да пуксис муникас ни.

Ния мунисӧ ӧддьӧн дыр пемыт вӧрӧт. Пуэс вӧлисӧ вылынӧсь да сьӧдӧсь, шумитис тӧв. А тележкалӧн колесоэс сяркӧтисӧ, пу вужжез вылӧт мунтӧн.

Заставаӧ локтисӧ кӧр совсем ни югдис.

Застава сулалис керӧсок вылын векнитик ю дорын.



Застава сайын вежотисо колхозной ыб-без, а ю саяс вөлі заграница ни.

Застава дынын ветлотисо зелёной фуражкаэза пограничниккез: отик поткотис сьокыт черон пес, модик щеткаон весотис сапоггез, куимот кайома вылын пу выло да каттьо радиоантенна понда проволока...

Бобкалон айыс вайотис Бобкасо аслас комнатао, сувтотис Бобкасо пидзоссез колласас, малалыштитис юрсо да юалис:

— Сейны пондан?

— Понда,—висьталис Бобка.

— А юны?

— Тожо понда,—висьталис Бобка.

Старшой лейтенант Иванов кисьтитис Бобкало ыджыт кружкао йов да ачыс жаритис сыло кык кольтитис селянка. Бобка радон пондис сейны. Селянкаыс вөлі оддьон чоскыт.

ЗАСТАВА

Көр Бобка пөтіс, айыс пондіс мыччавны сылө заставасө. Перво ния мунисө конюшняө и видзөтісө вөввез. Вөввес вөлісө бурөсь, ёнөсь, вынаөсь.

— Вот эта вөлыс менам,—висьталіс старшөй лейтенант Иванов и вайөтіс Бобкаөс загородка дынө, кытөн сөйис зөр вөснит кока, рыжөй вөв.

— Бур?

— Бур,—висьталіс Бобка.—Сія оз курчась?

— А тэ сет сылө сахар,—висьталіс айыс,—только не чуньпоннэзнат, а кырым вылат. Эн пов, эн пов, сія босьтас тырп-пезнас, а тырппес сылөн өддьөн небытөсь, кыз бархат.

— Кыз сійө шуөны?

— Сійө шуөны Васькаөн,—висьталіс айыс.

Васькаөс сахарөн вердөм бөрын ния пөтісө конюшнясис и мунисө заставкаө—боецез общежитиеө.

Общежитиеын вөлі учөтик пызаноккезөн бур столовөй. Быд пызанок вылын вөлі ольсалөма пызандөра и банкаын сулалісө ловья цветтэз. Столовөйсис ния мунисө боецез-пограничниккез узыланінө. Узыланінсянь—Ленинскөй комнатаө, кытөн вөлісө небыт стуллэз да креслоэз, и радио, и

шашкаэз, и домино, и шахматтэз, и книгаэз. Боеццез-пограничниккез эстөн шоччисисö да велöтчисö.

— Вот, ёрттэз,—висьталіс Бобкалөн айыс,—эта менам зон, Бобка Иванов. Сія локтіс ме дынö гөститны. Төдсасьö.

Боеццез вөлісö уна, и быдыскөтны коласісь Бобка здоровайтчис ки сетөмөн и быдыслö висьталіс ассис фамиллөсö да нимсö. И быд боецыс тожö висьтавліс ассис фамиллөсö.

— Борис Иванов,—шувліс Бобка.

— Туруханов,—горөтчылісö паныт.

— Знобейко.

— Махмудинов.

Бобка сэтшөм дыр здоровайтчис, что нельки мыдзис. А көр быдөнныскөт төдсасис, то казяліс, что айыс кытчөкө муніс и что сія өні кольчис өтнас боеццезкөт-пограничниккезкөт. Но сылө эз вөв гажтөм. Радиоөт кыліс музыка, боеццез шутитісö Бобкакөт да юасисö сылісь Ленинград йылісь.

Өтік боец Туруханов фамиллөа висьтасис Бобкалө, что аслас синнэзөн өтпыр адззыліс настоящей тигрөс, а мөдік боец, Махмудинов, висьтасис ош йылісь. А Бобка паныт висьтасис, кыз ветліс мамыскөт зоологической садö.



3. Часовойез.

ЗНАМЕНИТОЙ НЕПОСЕДА

Асывнас айыс мыччаліс Бобкалө ассис понсө, көдө шуисө „Непоседаөн“. Непоседа вөлі съод, нөштөм и юрсө видзис невна бокөн. Айысса да Коля Чистовичся сія некинөс эз кывзы, и айыс висьтасис Бобкалө эта понлісь быдөс историсясө.

Сія чужис өддьөн некодя, и некин эз верит, что сысь лоас толк. Но айыслө сія гленитчис, и сія босьтіс понсө дынас и пондіс быдтыны, вердны и велөтны. Быд лун сія сетліс сылө өтік уль кольть. Юктавліс сійө рыбйөй жирөн. Пувліс сылө быдкодь карч и дозирайтіс, кыз учөтик кагаөс. Көр поныс шогаліс, то айыс неөтпырисьөн ойнас чеччывліс да петавліс сыдынө. И Непоседа өддьөн велаліс айыс дынө и эз кольччывлы сы съорись, кытчө бы айыс эз мун. И Непоседаись петіс өддьөн умной да вежөра пон.

Сы понда, медбы кытшөм-нибудь враг эз отравит Непоседасө, айыс велөтіс сійө босьтны сөянсө только сылісь, айыслісь. И Непоседа пондіс керны өддьөн интересной фокуссэз.

Мукөд коста боецез-пограничниккез чапкывлісө сылө то коска, то конфетка, то булка тор. Непоседа төдіс, что лейтенант Иванов разрешеннөтөг сія нем оз вермы сөйны. Но коскаыссянь кыліс сэтшөм чөс-

кыт дук, что Непоседа некыдз эз чапкы сійö. И вот сія гарйывліс ямка, нөбөтліс сэтчө и коскасö, и булкасö, и конфеткасö, быдöс энö чöскыт торресö тыртліс муөн и видзчисис лейтенант Ивановöс. И көр лейтенант Иванов локтас, то Непоседа вувтліс и корөмөн кивыляліс бөжнас, бытьтö юавліс:

— Позьö меным сёйны этö коскасö? Тэ только видзöt, кытшөм сія чöскыт. Небось, нельки тэныт охота лоис невна йирыштыны сійö? А конфеткаыс? А булкаыс?

— Кин тэныт сетіс этö коскасö?—лөгөн юавліс лейтенант Иванов.

И Непоседа нуötліс Бобкалісь айсö сія морт дынö, көда, запрещеннө вылө видзötтөг, сетіс сылө коскасö. И сы дынö, көда сетіс конфеткасö. И сы дынö, көда сетіс булкасö.

— Кыдз тіянлө абу стыд,—баитіс нылө быдөнныслö Бобкалөн айыс,—эта безобразие. Тійö менчим понсö ладсис öштат.

А Непоседа эта кадö лөгөн вувтіс сія морт вылө, көда сетіс сылө булка, коска нето конфетка.

Жагвыв сія быдмис и лоис ыджыт да вына пон. Лейтенант Иванов дырөн занимайтчывліс сыкöt поннэз понда быдöс наукаэзөн. Велötіс сійö кайны лисниччез вылöt, чеччавны стенка вевдөрöt. Велötіс сі-

йö ветлöтны шульга кок дынын, новйöтны поноска—бедь нето из, велöтис водны и чеччыны команда сьöрті, велöтис кывзисьны, велöтис лоны смелöйöн да ловкöйöн, велöтис немись не повны и эта понда лыйліс сы дынын холостöй патроннэзöн револьверись и винтовкаись.

Пон вежöртіс лейтенантсö öтік кывсянь.

Пон велаліс ветлöтны след кузя, велаліс кутны врагöс горшöттяс да киöттяс, велаліс вöтны да уськöтны врагöс му вылö. И öддьöн чожа мыччаліс асьсö дело вылын.

Öтпыр Бобкалöн айыс, старшöй лейтенант Иванов, пондіс шогавны. Сылöн лос шöрись пельын воспаленнө. Вöлі öддьöн зубыт. Начальство тшöктисö Ивановöс водны госпитальö, но сія эз кывзы, сійöн что вöлі ар пемыт да зэра ойезöн, а сэтшöм ойезö уна враггез пытайтчöны пырны советскöй му вылö. Старшöй лейтенант Иванов кольччис аслас заставаö, и лун бöрті сы дынö вовлывліс военнöй доктор и лечитіс сылісь пеллесö.

Öтпыр петіс öддьöн ни умöль ой. Ун-няліс тöv, стеклоэзö вартіс зэр, и вöлі сэтшöм пемыт, что совсем нем эз тыдав. Лейтенант Иванов часто петавліс посодзö и видзöтис сьöd нөбоö, но сэтчин нем эз вежсьы,—югдан дорöдз вöлі ылын, а лажмыт

кымөррез ӧт дорсянь мӧд дорӧдз вевттисӧ нӧбосӧ и кисьтисӧ зӧрӧн вӧрсӧ да заста-
васӧ.

Неспокойнӧя кылӧс асьсӧ лейтенант Иван-
нов. Сэтшӧм ойӧ начальниклӧ аслыс колӧ
лоны вӧрын, граница вылын, а сӧя аслас
пеллез кузя пукалӧ гортын.

Небытшӧм.

Эшӧ ӧтпыр Бобкалӧн айыс петалис по-
содзӧ.

Пемыт.

И тӧв шутнялӧ.

Думайтӧс, думайтӧс Иванов, пырис кер-
куӧ, шоньтжыка каттис пеллесӧ ватаӧн да
бинтӧн, пасьталӧс неваман плащ, босьтӧс
револьвер, кутӧс поводок вылӧ сьӧд Непосе-
даӧс и гусьӧник мунӧс вӧрӧ граница ды-
нӧ. Сэтчин сӧя лӧдзис Непоседасӧ и пе-
мытӧнын, зӧр увтын пырис вӧрӧ.

„Эх, умӧль, что менам пеллезӧ кӧрта-
лӧмӧсь,—думайтӧс Иванов,—уськӧтчас ме
вылӧ кин-нибудь бӧрсяням—нем ог кыв. А
кӧртӧтсӧ чапкыны оз туй. Доктор висьта-
лӧс, что кынмала кӧ, верма глухӧйсявны“.

Вот мунӧ, мунӧ лейтенант Иванов вӧ-
рӧттяс и бура видзӧтӧ пемытӧнас. Вдруг
Непоседа чеччӧвтӧс бокӧ. Пондӧс унньавны,
вувтны...

И сӧя жӧ секундаӧ лейтенант Иванов
ӧддӧн матын ас дынсяняс кылӧс кыкись

луйом и луйомыс бöрын бöбись горöт-
лом:

— Сетча, сетча, вашöt ассит понтö!..

Лейтенант Иванов котöртис горöтлом
вылас и казялис, что Непоседа уськötöма
врагöс, видзö пиннезнас револьверөн сы-
лись кисö да эралö дугдывтöг.

— Фу,—горötис лейтенант,—фу, Непо-
седа! (Фу—пон кыв вылын лö „дугды, оз
ков.“)

Непоседа неохотнöя лэдзис врагсö, враг
лэбтис киэсö, и старшöй лейтенант Иванов
вайötис врагöс заставаö.


Сидз Непоседа спаситис Бобкаыс айлö—
лейтенант Ивановлö—олансö да эшö кутис
врагöс.

Öни Непоседа сöстöm мискаись сёйис
шyd да гажөн кивылялис бöжнас. А стар-
шöй лейтенант Иванов байтис Бобкалö:

— Öтик нарушитель мöдис луйны ре-
вольверись Коля Чистовичлö. Тэ сийö тö-
дан, Колясö. Но вот, враг лэбтис ни ре-
вольверсö и натьтö вийис бы Колясö. Но
Непоседа чеччöвтис, курччöвтис враглись ки-
сö, и пуляыс эз сидз Коляыслö, а пы-
рис лымö.

— Позьö Непоседалö сетны сахар?—
юалис Бобка.

— Пондыв,—висьталис айыс.





Бобка чапкис понлө сахар, но Непоседа эз понды сёйны. Только нюкайтис да гажтöма бергöтис нырсö мөдөрö.

— Бось,—висьталис Бобкалөн айыс.

Непоседа курччалис сахарсö, макнитис бöжнас да пуксис джоджö.

— А öтпыр,—висьталис айыс,—сiя куим час мунис враг следдэз кузя. И вöтис врагсö сэк, кöр сiя уйис ва кузя.

Мöртчöтис пиннесö сылö кокас, враг пондис вöйны, и эта кадö сiйö вöтисö миян пограничниккез.

— Ме сылö эшö сета сахарсö,—висьталис Бобка.

ПОВАР

Заставаас Бобка öддьөн дружнöя олис повар Котлетычкöt. Сидз смехись боеццез

шуисö Сеня Знобейкоёс—заставаись поварёс. Сідз сійö шуисö сійён, что сія бура стряпайтліс котлеттэз яйись, картошкаись грибной соусён, и нельки морковись. Котлетычыс вöлі öддьён ловкёй зонка, кужис гимнастическёй приборрез вылын керны быдкодь упражненнёэз, бура сунгисьліс, кужис мыччавны фокуссэз и бура сьыліс песняэз. Бобкалö ськöt вöлі öддьён гажа, и сія дырён овліс кухняс Котлетыч дынын. Котлетычлөн уджалікас вывтас пыр вöлі колпак и чочком халат. Кухняын кыліс чöскыт дук, и туйис сёйны то уль морков, то капуста кочень, то косьтём яблök нето груша. А главнойыс—Котлетыч висьтасьліс Бобкалö отличной исторіяэз.

— Да, Бобка,—висьталіс öтпыр Котлетыч, ыджыт паньён картофельной пюре сорлалікö,—вот тэ юалан, мый овлö, көр враг сёжö пырас мян странаö. Овлöны быдкодь случайез. Кык случай ме верма тэныт висьтаваны.

— Висьтав,—корис Бобка,—пожалуйста.

— Ладно,—шуис Котлетыч.—Первой исторіяыс пондас шусьыны сідз:


Пушечной мастер йылісь исторія

— Пушечной мастер,—пондötіс Котлетыч ассис рассказö,—эта сэтшöм мастер,

көда керө пушкаэз. Менам сия городын, кытөн ме чужи, эм ёрт—пушечной мастер. Вот өтік враг сюрөтчөма миян городө и төдөма, что менам Лёня ёртө керө пушкаэз. Аслас шоччисян лунө Лёня муніс город сайө—юок дынө. И врагыс сы сьөрө. Лёня купайтчис да водіс песок вылө. Враг водіс ордчөн Лёняыскөт. Лёнялөн сьөрас вөлі портфель, а портфеляс вөлі завтрак: бутерброддэз да бутылкаын йөв. Вот Лёня куйлө и казяліс, что мортыс, көда куйлө ордчөн сукөт, видзөтыштлө Лёняыс портфель вылө и старайтчө сідз лөсьөтчыны, медбы лоны матынжыка портфель дынас. „Натьтө воришко,—думайтис Лёня,—натьтө мөдө гусявны портфельсө,—казяліс натьтө, что ме дзеби портфеляс ассим часыөс“.

Лёня решитис енөвтчыны, что ланьтис и сэтшөм бура енөвтчис, что нельки ныр горнас узьө. А враг, көр казяліс, что Лёняыс узьө, нюжөтис кисө портфель дынас да видзөтис пыткас. Но портфеляс эз вөлө некытшөм секретной бумагаэз, а врагыслө бумагаэс и колісө—сия мөдіс төдны, кыз миян керөны пушкаэз,—этасянь сия игналіс портфельсө и тожө енөвтчис, что узьө.

„Э, нет,—решитис Лёня,—эта не вор. Кытшөм жө эта вор, коли сия эз гусяв менчим бур часыөс. Эта натьтө шпион. Сия



натътö мөдö гусявны мянлись секретной бумагаэз, сiя натътö думайтö, что ме растяпа и новйöта нийö съорам ю дынö. Не, ме не растяпа. Быдöс менам бумагаэс куйлöны надёжной местаын и крепыта игналöмöсь“.

И Лёня пондiс думайтны сы йылись, кыз бы сылö не лэдзны öнi врагсö. Кыз бы эта вöли городын, Лёня вермис бы корны милиционерöс. Но эта вöли ю дынын, и матын некин эз тыдав.

Сэк Лёня лэдзчисис шогалисьö.

Сiя эшö невна узьыштiс, а сыбöрын пондiс ойзыны да быглясьны песок вылас. Сэссия бытьтö саймис, и бытьтö сийö пондiс öсöтны.

— Тöдан,—висьталiс сiя врагыслö, кöда куйлис ордчөн,—менö сотiс шондiыс. Ме некö получитi солнечной удар. Менам öд-

дьон висьо юро, и быдос син одзын бергало. Пожалуйста, отсав меным пасьтасьны.

— Радон,—висьталіс враг.

Враг отсаліс Лёняло пасьтасьны и корталіс сыло ботинкаэз. Сія это керис не сійон, что вөлі доброй да жалейтис Лёнясо, а сійон, что думайтис сідз: „Пушечной мастер пондис шогавны, ме сійо нуота гортас. А сылон гортас натьто эмось секретной бумагаэз, и ме нійо гусяла. Сія шогало и оз казав“.

— Тодан мый,—висьталіс враг,—ме адзза, тэныт оддьон умоль. Давай ме кольлала тэно гортодззат. Мунам.

— Спасибо, спасибо,—висьталіс Лёня,—ме адзза тэ оддьон доброй.

И, враг ки выло ошотчөмон, ойзөмон да сьокыта лолалөмон, Лёня пондис мунны ськөт городо. Перво ния мунисо подон, сьбөрын мунисо трамвайын, сьбөрын бөра мунисо подон. Врагыс вөлі оддьон лөг, сійон что сыло ковсис чуть не киэз вылас кыскыны Лёнясо, но сы туйо сия радон думайтис сы йылись, кыз гусялас Лёняыслис важной документтэз.

Кыз только ния локтисо гортаныс, Лёня водис диван выло и корис врагсо звонитны телефонот докторло. Враг звонитис и корис Иван Сергеевичос öни жө локны. Лёня бөра енөвтчис узисьон и адззылис,

кыздз враг кошшисьö сы комнатаын. Но врагыс, конечно, нем эз адззы—Лёня быдöс секретнойсьö дзедлис служба вылын стальной шкафö. Вдруг оссис ыбöс, и пырис Иван Сергеевич. Но Иван Сергеевичыс вöли совсем не доктор. Иван Сергеевич вöли Лёнялөн ёрт—чекист.

— Ах, вот эстөн кин,—врагсö казялём бöрын висьталіс Иван Сергеевич.—Важын ни ме тэнö кошша. Кыздз тэ вермин сійö кутны, Лёня?

Лёня пондіс висьтасьны, а враг пукаліс стул вылын чочкоммём да лөг.

— Некөр шпионнэзлö не тöдны, кыздз мийö керам аслыным пушкаэз,—висьталіс Бобка.—Сідз, Котлетыч?

— Сідз,—висьталіс Котлетыч.—Эта делын самöй главнойыс—не лоны растяпаөн.

— Эта конечно сідз,—висьталіс Бобка.

— Сёян капуста кочень?—юаліс Котлетыч.

— Сёя,—висьталіс Бобка и корис висьтасьны мөдік история.

— Ладно,—висьталіс Котлетыч,—эта историяыс пондас шусьыны сідз:

Герой Чернышев

— Москваын,—пондötіс Котлетыч ассис рассказсö,—миян столицаын, сія городын,

кытөн олөны и Сталин и Ворошилов, эмось казармаэз, көдна шусьоны Чернышевскөйезөн. Тэ төдан, мый сэтшөм казарма?

— Конечно, төда,—висьталіс Бобка,—эта керку, кытөн олөны да велөтчөны красноармеецез.

— Правильно,—висьталіс повар.—Но вот. Тэ кытчөдз эн вунөт названнёсө: Чернышевскөй казармаэз.

— Төда,—висьталіс Бобка.

— Сідз,—висьтасис одзлань Котлетыч.—Эта вөлі важын ни—1925 годө. Хитрөй да коварнөй враг сюрөтчис самөй Москва дынө и өзтіс артиллерийскөй склад—пушечнөй снаряддэзөн, бомбаэзөн да порохөн склад. Уна тысяча снаряддэз вөвлытөм шумөн потласисө да лэбзисө воздухө нёбо дынөдз.

Номер два пост вылын эта кадө сулалис часовөй красноармеец Чернышев.

Кызд только пондісө кывны взрывез, Чернышев кутіс сигнальнөй колоколлісь гез да пондіс звонитны колоколөн, корис асис начальникөс—разводящөйөс.

Чернышев гөгөр зэрөн киссисө жугалөм керкуэзлөн торрез, усялісө вужөн нетшкөвтөм пуэз, усялісө кирпичез, снаряддэзлөн осколоккес. Паськөмыс Чернышев вылын сотчис, тшынсянь Чернышев



почти нем эз адззы, но сія эз мун аслас пост вылісь и дугдывтөг звонитіс колоколөн. А сы гөгөр быдөс ни сотчис.

Вдруг бисис да тшынсис, быдөс сотчөм, петыштіс складісь начальниклөн отсалісь.

— Котөрт!—горөтіс сія.—Чожажык! Мийө эшө ештам пышшыны...

Но герой Чернышев висьталіс:

— Ме ог мун аслам пост вылісь, мый бы эз ло.

И эз мун.

Көр взрыввез дугдісө кывны и пожарыс лөньсис, часовй Чернышевөс адззисө куломөн. Сійө нырыштөма балка. От киас Чернышев видзис ассис винтовка, а мөдас вөлі ёна кутөма сигнальнөй колоколлісь гез тор.

И өні ния казармаэс, кытөн оліс Чернышев, шуөмөсь сы нимөн: Чернышевскөй казармаэз.

КИТАЙСКӨЙ ЗОНОЧКА

Отпыр рытөн Бобка аслас комнатаын рисуйтіс танк, вдруг сійө корисө. Сія видзөтыштіс оградаө. Кынымкө боец пукалісө вөввез вылын—седлоэзтөг.

— Тійө корит менө?—юаліс Бобка.

— Корим,—висьталіс өтік боец,—мунам вадорө вөввез юктавны.

— Ладно,—висьталіс Бобка.

Но быдос вөввес вөлісө өддьон вылынось, и Бобка некыз эз вермы кайны некуда выло. Сэк кухнясь петис Котлетыч кык табуреткаон—өтсө сувтөтис модыс выло, вевдорас лэбтис Бобкаос и табуреткаэс дыно вайөтис вөлос. Бобка кутчисис вөлыс бурси бердо, пуксис да мунис отлаын боеццезкот. Сы вылын вөлі пограничной фуражка, а бокас ошалис пуовой наган. Ся шуис асьсө пограничникон и өддьон дивуйтчис, что некин эз казав, кыз сия первуись пуксьомсянь сэтшөм бытшөма мунө верзьөмон.

— Мун, Бобка, одзас,—висьталис Бобкало өтик боец,—лоан командир туйө.

Бобка петис одзас, лосьөтис ассис зелёной фуражкасө и буржыка пуксис вөлыс спина выло. А боеццез пондөтисө песня: „Конная Будённого“.

Лэдзчисө керос увтө, невна мунисө юок дорот и сувтисө юктавны вөввез. Вөввез нетэрмасьөмон пырисө ваө, фыркайтисө да юисө. А ю мод берегын сулалис бритом юра учотик зоночка, пасьтасьом быром паськөмө, и видзөтис Бобка выло да боеццез выло.

— Мый сия видзөтө?—юалис Бобка.

— Кин сийө төдө,—висьталис боец Туруханов.—Интересно сыло, вот сия и видзөтө.

Зоночка видзётис, видзётис, сыбöрын
вдруг горötис кытшöмкö невежöртана кыв.

— Мый сiя баитö?—юалис Бобка.

— Да сiя китаец,—висьталiс Туруханов,—асмознас баитö. Сейчас тöдам.

А китайскöй зоночка баитiс мыйкö горөн и перыта, и сы сьöрти, кыз сiя тэчлiс киэсö морос вылас и мышкырасис, вöли вежöртана, что сiя корö. А боец Туруханов кывзiс и вайötис оча синкыммесö.

— Вот гаддэз,—висьталiс медбöрын Туруханов,—мый керöны.

И сiя висьтасис боецезлö и Бобкалö, что японецез вийисö эта зоночкалис айсö, мамсö и сойсö, и что öни эта зоночкаыс кольччис öтнас и сылö нем сёйны, и что сiя мöдö японецес дынiсь пышшыны гөррдэз дынö—пограничниккез дынö, но японецез сiйö оз лэдзö.

— А мый понда японецес вийисö сылiсь айсö?—юалис Бобка.

— Мый понда?—висьталiс Туруханов.— Да нем понда. Локтисö деревняö, а сiя, натьтö, эз мöд, медбы японецес грабитисö сiйö,—кутисö да и вийисö. Эх!

И Туруханов бöра лöга вайötис оча синкыммесö.

Кытчöдз нiя этадз баитисö, мöд берегас, кытөн сулалiс китайскöй зоночкаыс, вдруг мыччисис учötик, ён японскöй офи-

цер. Сылөн бокас ошаліс сабля и киас вөлі плеть, а мөд кинас сія гартіс уссэсө. И муніс сія сідз, кыз бытьтө йөктіс, а чужөмыс шынняліс. Сія видзөтис китайскөй зоночка вылө.

— Пондас вартлыны,—висьталіс Туруханов,—сейчас сөтас.

Сія эз ешты висьтавны этө, кыз японец вылына лэбтис плетьсө да быд вынісь сөтис зоночкалө плетьнас.

Зоночка вевтис юрсө киэзнас и мөдіс пышшыны, но японец лөсьөтис коксө, и зоночка усис чужөмнас вылын турунө. А японец, чиститөм сапоггеза коккесө паськыта сувтөтөмөн, вартліс и вартліс учөтик китайскөй зоночкасө, сөталіс и спина кузяс, и юр кузяс, и сотчөм көмтөм коккез кузяс, и зоночка горөтліс и горзис сө гусьөнжык и гусьөнжык.

— Кувтөдз вартлас,—висьталіс Туруханов.

Офицер суйыштис плетьсө конувтас, кыскис кармансис папироска да пондіс куритны. Вөлі өддьөн лөнь, и Бобка кыліс, кыз горзө вартлөм зоночкаыс.

— Мунам, освободитам зоночкасө,—висьталіс Бобка.

— Оз туй,—висьталіс Туруханов.—Быдса война вермас лэбтисьны.

Сія чөлыштис да содтис:

— Ничего, шедас мянлө көр-нибудь эта офицерыс.

А офицер шоччисьыштіс, куритіс и, зончкалө кокнас чужйөм бөрын, пондіс вашотны сійө туёк кузя деревняө. Мукөд коста сія вачкыліс сылө плетьнас, и зончка быд пора горөтыштіс да киэзнас вевттьывліс ассис бритөм юрсө.

Заставаө боецез мунісө шы сеттөг, эз байтө и эз сылө песняэз. И Бобка тожө чөліс. Сылө вөлі өддьөн жаль зончкасө.

Одз асывнас старшөй лейтенант Иванов саймөтіс Бобкасө и висьталіс сылө, что сія учөтик китайскөй зончкаыс ойнас пышшөма мян пограничниккез дынө.

— Оз вермы лоны,—висьталіс Бобка.— Сет честнөй пионерскөй кыв.

— Честнөй пионерскөй,—висьталіс айыс.

— А кытөн сія өні?

— Кытөн сылө лоны?—висьталіс айыс.—Заставаын.

— А меным туйө сы вылө видзөтыштын?—юалис Бобка.

— Конечно, туйө.

Бобка чожа пасьтасис, миссис и котөртіс оградаө. Посодзын пукаліс Котлетыч колпакөн и халатөн, Коля и ёрт Туруханов, а шөрас ыджыт кружкаись юис чай учөтик китайскөй зончка. Сы дынын газета вылын куйлісө көдзыт котлеттэз, нянь,

огурецез, кынымкө кусөк сахар и сулаліс йөлөн быдса кувшин.

— Вот зонка,—висьталіс Бобкалө Туруханов,—пышшис эд.

— Молодец,—шуис Бобка.

— Колө сылө шыд вайны,—висьталіс Котлетыч,—ась шыдсө сөйыштө.

Но Бобкалөн айыс эз лэдз вайны шыдсө.

— Но мый тійө керат,—шуис Бобкалөн айыс,—тійө вият кагасө. Оз вермы сія сымдасө сөйны, сія эд не резинаись керөм.

— А кызд сійө шуоны?—юаліс Бобка.

— Ю-Лин,—висьталіс Котлетыч,—сылө кыкьямыс год. Бур зонка. Мийө ськөт баитім ни.

Бобка юаліс, позьө я сылө төдсасьны зоночкаыскөт, и төдсасис.

Сьбөрын сія вайис зоночкаыслө ассис штані, веж полуботиноккез, ковбойскөй йөрнөс да йы.

Зоночкаыс перво некызд эз вермы веритны, что быдөс этө сетөны сылө, а сьбөрын лоис өддьөн рад, эз и юышт чайсө, мөдіс пасьтасьны, но пограничник Коля эз лэдз.

— Сулав,—висьталіс Коля,—колө, воной, тэнө перво миссьөтны. Позьө тэнчит, өрт Знобейко, босьтны кухняись пым ва?

Вайисө кык ведра кипяток и кисьтісө бочкаө. Сьбөрын вайисө көдзыт ва, матег

да бон, и Коля отлаын Турухановкөт пондис миссьотны Ю-Линос. А сия сулалис бочкаын, гажон видзотис Бобка выло и сералис, кор сийо гильотисо.

— Вот они пасьтась,—висталис Коля,—они тэ, Ю-Лин, чистой, кыз стекло. Эх, кыз тэно японцыс вартлис.

Коля ветлис заставао, трепичок вылын вайис мазь да мавтис Ю-Линлис вартлом местаэсо да ранаэсо.

И Ю-Лин пасьтасис Бобка паськомо.

Эта коста тележкао доддялисо воввез, и Бобкалон айис петис посодзо.

— Но, Ю-Лин,—висталис Бобкалон айис,—пуксы тележкао. Кыскам тэно детской домо. Вистав сыло, ерт Туруханов, китайской кыв вылын. Вистав, что детской домас сыло лоас оддьон бур. Некин сийо обидитны оз понды. Пондас сия велотчины, пондас быднэж орсны, сейны пондас чоскыта.

Туруханов быдос висталис Ю-Линло, но сия вдруг пондис горзыны.

— Ог мун детской домас,—пондис баитны сия китайской кыв вылын,—ме татчо кольчча. Меным эстон оддьон бур. Ме татон пограничникон лоа. Ме мода лоны красной пограничникон. Эд вашото мено! Ме мода дружитны эта зоночкакот, кода меным паськомсо сетис. Ме мода дружит-



ны поваркӧт. Ме мода дружитны началь-
никкӧт. Пожалуйста, эд вашӧтӧ менӧ...

Сэтӧн быдӧнныс пондӧсӧ обьяснятны
зоночкаислӧ, что детскӧй домас сылӧ лоас
эшӧ буржык, чем татӧн. И сӧя согласитчис
только сӧк, кӧр Туруханов висьталӧс сылӧ,
что детскӧй домас эмӧсь нельки педаль-
нӧй автомобиллез.

Муникас Бобка козьналіс Ю-Линлӧ ас-
сис пуовӧй наган да кык пуовӧй бомба.
Котлетыч петкӧтӧс кухняись бекӧрын ма,
Коля козьналіс записнӧй книжка, Туруха-
нов—гӧрд карандаш, а Бобкалӧн айыс—
гижтӧм, виль тетрадь, кытчӧ туйис рисуйт-
ны кӧть мый.

Ю-Лин пуксис тележкаӧ, ордчӧн ськӧт
пуксис боец-пограничник, и вӧввез вӧрзисӧ.

— Адззисьлытӧдз, Ю-Лин! — горӧтӧс
Бобка.

Ю-Лин прощайтчис китайскӧй кыв вы-
лын, макнитӧс кинас и серӧмтчис.

КУЛАК АБРОСИМОВ

Ӧтпыр Бобка орсӧс застава оградаын.
Вдруг оградаас котӧртӧс зоночка. Шапка-
тӧг и йытӧг, и быдӧс чужӧмыс сылӧн вамӧ-
ма ньылӧмсяняс. Сувтчис Бобка дынӧ и шуӧ:

— Кытӧн эстӧн пограничнӧй началь-
ник? Меным асьсӧ пограничнӧй начальник-
сӧ колӧ.

— Мунам,—висьталіс Бобка,—заставаас начальникыс менам айö.

— Ай нето дед—меным öткодь,—висьталіс зоночка,— только чоужык вöрöтчы.

— А тэ эн командуйт! — висьталіс Бобка.

— Вот кыз иньдышта!—горзöм сорөн висьталіс зоночка.—Баита—меным чожа колö.

Бобка нуötіс зоночкасö айыс дынö, старшöй лейтенант Иванов дынö.

— Ме ачым пастухлөн отсалісь,—баитіс зоночка,—„Первöй май“ колхозісь, ме сэтчин мөссэзöс да вөввезöс пастучита. Менам эм начальник, пастух Егор Матвеевич. Эн кывлы?

— Кыз жö; кывлі,—висьталіс Бобкалөн айыс.—Егор Матвеевич бур морт...

— Но вот,—одзлань баитіс зоночка,—ме пыри шалашö сөйыштны, вдруг адзза—сэтөн öддьөн кыз морт көшись ва юö. Ме нем сэтшöмсö эг думайт, сразу понді сөйны. А кыз мортыс тожö нем оз шу, пукалö да горөн лолалö. Котöртіс я мый я. Нето шогалісь. Ме сөя, а Егор Матвеевич меным гусьöникөн шуö: „Котöрт, Веня, заставаö, висьтав начальниклö—Абросимов татөн. Висьтав, натьтö, мөдö пышшыны граница сайö“.

— Этö гөрд Абросимовыс?— юалис Бобкалөн айыс.

— Самöй сия,—висьталіс Веня,—өзтісьыс, кöда мöйму миянлісь няньсö сөтіс. Сэк сійö куталісö, куталісö, эз вермö кутны, а öні сия граница сайö мөдö пышшыны. Вот кытшöм морт.

— Ладно,—висьталіс Бобкалөн айыс да пуксис аслас вöв вылö.

Кынымкö боец тожö пуксисö вöввез вылö и Венялö сетісö жеребецöс.

— Марш-марш!—сетіс команда лейтенант Иванов.

Пограничниккез пондісö гөнитны ыб кузя.

Нія öддьөн чожа локтісö бөр и вайөтісö сьöраныс Абросимовöс. Сия вöлі öддьөн кыз, золотöй пиннеза и учөтик лөг синнеза. Тошыс сылөн вöлі гөрд.

Старшöй лейтенант Иванов игнаис враг Абросимовкөт аслас кабинетö и мыйкöсылісь юасис, а Бобка пукаліс Венякөт посодзын, и Веня сылö висьтасис Абросимов йылісь.

— Да тэ сулав,—висьталіс Бобка,—сө Абросимов да Абросимов, а кин сия сэтшöм эта Абросимовыс?

— Сия одззася кулак,—висьталіс Веня,—сия төдан одзжык кытшöм богатöй вöлі? Быдöс муыс сылөн вöлі. А сыбöрын,

көр мусо сылсь мырддисо, сия и логасис.
Кызд коин лоис. Нянь мянлись колхозас
өзтис. Вредной морт.

Эта кадө Бобкалөн айыс петис кабинет-
сис да висьталіс:

— Веня, ме кора тэнө мамыткөт, лок-
ны ме дынө ашын рытнас кватъ час кежө.

— Локта,—висьталіс Веня.

ПИШАЛЬ И ПОЖАР

Ашынас, кватъ часө рытнас, уна боец-
цез-пограничниккез да „Первой май“ кол-
хозись колхозниккез оксисө заставаө. Ог-
радаө боеццез петкөтисө скамейкаэз да сув-
төтисө пызан, кода вылын вөлі ольсалөма
гөрд пызандөра, и Бобкалөн айыс, старшой
лейтенант Иванов, висьталіс речъ и боец-
цез-пограничниккез нимсянь висьталіс спа-
сибо пастухлөн отсалисьлө Венялө и пас-
тух Егор Матвеевичлө.

— Да оласө мян верной часовөйез!—
висьталіс Бобкалөн айыс, жмитис Венялись
кисө и сетис сылө настоящей учөтик охот-
ничөй пишаль.

Мый вөлі Веняысқөт!

Сия перво чочкоммис.

Сыбөрын гөрдөтис.

Сыбөрын бөра чочкоммис.

А Бобкалөн айыс сетис Венялө короб-
каөн патроннэз да охота йылись книжка.

— Ура!—горөтис Бобка.

Быдөнныс пондисö серавны да шовкөтны киэзнаныс. А Котлетыч баян вылын орсис туш.

Сыбöрын лейтенант Иванов козьналис пастух Егор Матвеевичлö öддьөн бур сапоггез, шапка да теписсез. Быдөнныс бöра пондисö шовкөтны киэзнаныс, а Котлетыч бöра орсис баян вылын.

А көр пемдис, пондисö мыччавны кинокартина.

Бобка пукалис и видзөтис кинокартина, кызд вдруг кытшöмкö женскöй горөтис:

— Ёрттэз! Колхозас пожар!

Быдөнныс чеччөвтисö асланыс местаэзись, и Бобка казялис би.

Сотчис эшö не öддьөн бура, но вöли вежөртана, что эта настоящöй пожар.

Киносö мыччавны дугдисö.

Боецез-пограничниккез, Бобка ай командованнө увтын, пуксисö вöввез вылö и гөнййтисö сэтчин, кытөн сотчис. И Бобка Венякөт тожö котөртисö сэтчин.

— Бобка,—вдруг висьталис Веня,—эта менам керкуыс сотчö.

— Честнöй пионерскöй?—юалис Бобка.

— Честнöй пионерскöй,—висьталис Веня и пондис горзыны.

Ния пондисö котөртны эшö перытжыка, а көр локтисö, то казялисö уна отирöс. Ния

кытшөвтисö мортос, көдö видзисö кык боец-пограничник.

Мортыс эта куритис папироса и некин вылö эз видзöt.

— Кин эта?—юалис Бобка Котлетыч-лись.

— Эта вон кулак Абросимовлөн,—вись-талис Котлетыч.—Веня кутис сылись вонсö—врагос, а öни эта вештис Веняyslö. Öзтис сылись керкусö. Негодяй морт.

Колхозниккез и пограничниккез быд вынись кусötисö пожарсö, но вöли тöла и биыс сё öддьонжык паськалис. Бисö кусötисö бочкаэзись ваон, черрезон да багор-резон кыскалисö сотчан керресö, женскöй-ез сулалисö кузь рядон и киись киö сета-лисö ведраэзон колодецись ва. Сия женскöй-йыс, көда вöли колодец дынас, лэбталис ведраон ва, а сия, көда вöли сотчан керку дынын, кисьтлис васö пожарнöй бочкаö. Öтлаын мöдиккезкöt Бобкалөн айыс, старшöй лейтенант Иванов, унаись пыралис сотчан керкуас, петкötлис вещьез: матрац, одеялоэз, стуллэз, самовар, нельки пызан петкötис. Гимнастёркаыс сы вылын сотчис, сийö киськавлисö ваон, и старшöй лейтенант Иванов бöра уськötчылис биас, и быд пора, көр сия петлис бисис датшынсис, народ горötлис:

— Ур-ра! Ур-ра! Ур-ра!



И Бобка тожө өтлаын быдөнныскөт горөтліс „ура“, тожө ваяліс ва и бурөтіс гажтөмтчөм Веняөс да сылісь мамсө.

Пожарсө кусөтісө только сэк, көр джын керкуыс сотчис ни. Бобкалөн айыс, старшөй лейтенант Иванов, сибөтчис Веня дынө да мамыс дынө и висьталіс нылө:


— Тійө эд төждісьө. Чожа тіян лоас виль керку, эшө буржык одззаысса. Лоө спокойнөйөсь.

Бобкалөн айыс пуксис вөв вылө, одзас пуксьөтіс Бобкасө и перыта гөнитіс заставаө. А сы сьөрын мунісө боецез-пограничниккез.

ВИЛЬ КЕРКУ

Бобкалөн айыс, старшой лейтенант Иванов, көркө важын ни вөлі столярөн. Этаянь сия сэтшөм бура кужис пуись керны наганнэз, пулемёттэз, сабляэз и уна мөдікө. И этасянь сия командуйтис Венялө керку строитөмөн. И не только командуйтис, но и ачыс уджаліс—то пилаөн, то рубанокөн, то черён, то молотокөн. И Бобкалө вөлі өддьөн бур кывзыны, кыз колхозниккез и боецез-пограничниккез ошкисө Бобкалісь айсө и дивуйтчисө, кыз сия уджалө.

Өддьөн уна отир уджалісө постройка вылас. Быд боец-пограничник, көда вөлі свободной, вовліс и отсаліс, быд колхоз-



ник отсаліс. Нельки челядэккез, и нія отсалісö. И, конечно, Бобка тожö отсаліс.

Пограничниккез строитісö керку. Коля Чистович сувтöтис радио, а Котлетыч тэчис бур плита. Бобкалөн айыс вочис пызан, а öтiк боец-пограничник краситіс öшын рамаэз да ыбöс.

И джоджсö краситісö, и стенаэсö лякисö виль обойезөн, и нельки картина öшöтисö стенаас. Лоис öддьөн бур керку.

И көр Веня аслас мамкöt муніс овны виль керкуö, Котлетыч орсіс баян вылын, а сыбöрын Бобкалөн айыс висьталіс:

— Оз повзьöтö враггез миянлісь верной часовойесö. Сідз, Веня?

— Сідз!—горötіс Веня.—Кытөн бы ме эг вöv, ме пыр понда бура видзötны и оглэдз öтiк врагöс.

Сыбöрын Веня ордын виль керкуас пограничниккез понда колхозниккез лöсьötісö öддьөн чöскыт угощеннө.

Боеццез-пограничниккез сөйисö картошкаөн жаритөм яй да вареннөөн чöскыт блинчиккез, юисö чай, а ужин бöрын танцуйтисö. Бобка тожö сөйис, но эз танцуйт, сійөн что совсем эз куж танцуйтны.

БОЙ

Сідз Бобка оліс и оліс, купайтчис юын, ветлывліс юктавны вövвез, баитіс боеццез-

көт, орслис быдкодь играэзён, и вёлись локтис сылө кад мунны гортас Ленинградө. Одз асывнас, сiя лунө, көр сiя лөсьөтчис мунны, вдруг улын, ылын юок дорын, кылис өтпыр лыйөм, сыбөрын мөдпыр, сыбөрын кылис пулемётись лыйсьөм.

— Японецез, — висьталис Бобкалөн айыс, вештис одзсис чайөн стакан и сувтис.

— Война, папа? — юалис Бобка.

— Война кодь, — висьталис лейтенант Иванов и чожа кышалис ас вылас револьвер.

Сiя окалис Бобкаөс, петис и пуксис ас-лас рыжөй вөв вылө.

Пограничниккез чожа да кужөмөн пуксисө седлоэзө.

— Мыччалө нылө жарсө, — горөтис Бобка өшынө, — мый нiя кытчө оз ков нырнысө сюйыштөны!

Пограничниккез пондiсө серавны, айыс сетис команда „марш-марш“, и отряд сайөвтчис син одзись. А Бобкалө сразу лис гажтөм и пондiс полөм петны.

Кылис, кызд лыйсьөны юок дынас, сыбөрын потис граната, сыбөрын бөра пулемөтлөн шы. Бобка кывзис, кывзис, сыбөрын петис комнатасис и мунис ветлөтны застава кузя. Боецезыс заставаас некин эзө вөлө, только өтик дежурной звонитис телефонөн.

Юок дынас одзза моз стрөчитіс пулемёт.
Бобка видзөтис дежурнойыс вылө и му-
ніс кухняө. Сэтчин лөг Котлетыч пуис обед.

— Здорово, Котлетыч,—висьталіс Боб-
ка.—Чожа войнаыс кончитчас?

— Вот мый, Бобка,—висьталіс Котле-
тыч,—ме тэнө кора. Кылан, кора. Видзө-
тышт обедыс сьöрын, а ме котрася недыр
кежө, видзөта, мый сэтчин миян заставаас
керсьö... Проверита невна. Ладно?

— Ладно,—висьталіс Бобка,—мый эд ке-
ран, ветлы, проверит.

Котлетыч чожа объяснитіс Бобкалө,
кызд пуктыны супө картошкаэз и көр соусö
кисьтны пизь, сэссия чапкис вывсис колпак-
сö да халатсö, пуктис фуражка и котөртис.
А Бобка өтнас кольччис кухняас.

Лыйсьöмыс кыліс öддьөн матын и öд-
дьөн горөн, и Бобка, медбы эз вөв öддьөн
страшно да эз кыв шумыс, тупкаліс пел-
лесö бумажкаэзөн и пондіс сьывны песня:

И от тайги до Британских морей
Красная Армия всех сильнее...

Сыбöрын сія думайтыштис, что японец-
cez вермасö керны газовой атака, котра-
сис асланыс комнатаö и кышаліс противо-
газ—быдкодь случай кежө. Противогазнас
вөлі нежык страшно. Бобка пыртис плитаö
пес, сорлаліс гормөтчанөн шоммез и кут-



чис обед бердö. Плитаöдззас сiя эз судз,
и сылö ковсис сувтöтны аслыс табу-
ретка.

Сыбöрын сылö пырис юрас, что япо-
нецез вермасö локны сы дынö татчö, кух-
няас. Сэк Бобка крепыта игналіс керку
ыбöссö, пöдналіс öшынсö и лöсьötіс кы-
нымкö пес, кöднö позяс шупкавны, көр
японецес пондасö чегсьыны ыбöсас.

Но кыным ылöжык, сыным гажтöмжык
лоис Бобкалö öтнасыслö. Сiя вдруг думай-
тыштiс, что айсö вийсö японецез, чап-
кис противогазсö да пондiс кывзыны: одзза
моз кылiс лыйсьöм. Кухня ыбöсö кинкö
видзчисьтöг пондiс ёркötчыны. „Японец-
ез“, думайтыштiс Бобка и повзьöмсянь
гусьöник пондiс горзыны.

Бöра кинкö ёркötчö—эшö öддьöнжык.

— Мама,—гусьöник кытсалис Бобка,—
мама, мамочка, мам!

Но мамыс вöлі ылын, а ыбöсас кинкö
сiдз ни гымötіс, что готов вöлі жугдыны.
Бобка кутiс киас пес и решитiс чапкыны
сiйö веськыта юрас сiя японецлö, кöда пы-
рас медперво.

Та-та-та-та-та!—сярötіс ю дынын пуле-
мёт.

Бам-бам, ба-бам!—потласисö гранатаэз.

— Бобка, ось!—горötіс ыбöс сайсянь
тöдса голос.—Этö ме, Знобейко.

— Котлетыч!—радөн горөтис Бобка и котөртис осьтны ыбөссө.

Көр сия петис кухня посодзө, застава оградаын вөлісө тыр боецез-пограничник-кез, и лыйсьөмыс совсем ни эз кыв. Старшөй лейтенант Иванов сибдөмголосөн сөталіс кытшөмкө приказаннээз. А ограда шөрас, часовөйез коласын, сулалісө кынымкө пленнөй, и ны коласісь Бобка төдіс самөй сійө японскөй офицерсө, көда плөтөн вартліс учөтик китайскөй зоночкасө—Ю-Линөс. Офицерыс өні эз шыннөв и эз гарт уссэсө, көдна вачкисисө крыса бөж-жез вылө, а сулаліс гажтөм да мыдзөм.

— Кыдз делоэс, папа?—юаліс Бобка лейтенант Ивановлісь.—Вашөтит японец-цесө?

— Быдөс бур,—висьталіс лейтенант Иванов, вөв вылісь чеччикө,—японецез сідз пондісө пышшыны, что өнөдз оз вермө сувтчыны. Төдан, кызд өрт Сталин висьталіс?—„Өтік пядь йөз муыс оз ков. Но и ассиным мусө, өтік вершок ассиным мусө ог сетө некинлө“.

— Ура!—горөтис Бобка.—А ме эстөн обед пуи быдөс боецез понда.

Сыбөрын быдөс боецез обедайтисө и өддөн ошкисө Бобкалісь сөяннэсө, а Бобка гордөй да счастливөй ветлөтис столовөй кузя.

Обед бөрын локтіс кад прощайтчыны. Боецез-пограничниккез петісö оградаö, и Бобка пондіс быдөнныскöt прощайтчыны и сылөн синнэзас мыччисисö синваэз. Öддьөн ни жаль вöлі янсötчыны Котлетычкöt, сэтшöм жаль, что ковсис нельки окасыны.

А көр Бобка и лейтенант Иванов пуксисö тележкаö, Котлетыч орсис баян вылын марш, и боецез хорөн горötісö:

— Вов-лы ми-ян ды-нö, до-на ми-ян Боб-ка И-ва-нов! Ура!

„Ура“ горötлöм увтö тележка вөрзис местайсь, и Бобка Иванов муніс заставасис.

— Но вот,—висьталіс айыс,—олыштін тэ ме дынын, адззылін, кыз мийö олам и кыз мийö уджалам. Локтан гортö—окав мамтö.

— Обязательно,—висьталіс Бобка.

Вокзалас Бобка окасис айыскöt, и айыс пуксьötіс сійö вагон тамбурö. Вагонас сулаліс Бобкалөн важ тöдса, дзор уссэза морской пограничник Петр Петрович Чистович.

— Бөра мийö ötлаын,—висьталіс Бобка.

— Бөра,—висьталіс моряк и серöмтчыштіс.—А ме бөра Ленинградö командировкаö муна, и бөра тэнат айыт корис, медбы ме босьті тэнö сьöрам. Вот ме и босьті.

— Ура!—горөтис Бобка.—Только öнi не тэ пондан висьтасьны меным исторяэсö, а ме тэныт.

— Ладно,—висьталис моряк.

Нiя пукалисö вагонын и баитисö, поезд мунис сё одзлань и одзлань, и паровоз мукöд коста тутсис гора басөн.

А Ленинградын вокзалас Бобкаöс встречайтис сылөн мамыс Надежда Михайловна, и кытшöм сiя рад лоис, кöр казялис ассис зонсö,—оз позь висьтавны.



■ЫТШКӨС

Посылкаэз	3
Попутчиккез	6
Гортись муньом	9
Моряк да пограничник	10
Оддьон умёлик мёс	13
Пым чаёк	18
Лымись керёсок, кёин да часовёй	25
Локтисё	29
Застава	31
Знаменитёй Непоседа	34
Повар	40
Пушечной мастер йылись история	41
Герой Чернышев	45
Китайской зоночка	48
Кулак Абросимов	56
Пишаль и пожар	59
Виль керку	63
Бой	64

Перевод *С. Туркина*
Редактор *Н. Спорова*

Техредактор *Ф. Яркова*
Корректор *Р. Попова*

Сдано в набор 28/V-42 г. Подписано к печати 9/VII-42 г. Формат бумаги 60×92¹/₁₆.
Печатных листов 4,5. Уч.-изд. листов 2,0. В 1 печ. листе 19200 тип. зн.
ЛБ14246. Заказ № 887. Тираж 1000.

г. Кудымкар. Типография Молотовского Областного Управления издательств и полиграфии